

百变班马

一定要你记住!

新kitchen出“厨神”

美食总会令人心情愉悦，而作为湾区潮流风向标Color，点会简单单食下厨算，梗係自己嘲手整嘢食啦！一部烤箱，搭配一颗天马行空，勇敢的心，“班马”升呢变“Color厨房”。同“最佳女配角”一起整面包，虽然出品唔係最松软嘅，但外脆内韧有惊喜；约“新城劲爆新人王”焗曲奇，造型一般但爱意满载，越品越sweet，唔怕你哋甜到漏；“弹钢琴的靓仔”来整应月月饼，手法唔係正宗传统工艺，但心意满满，个性塑形，已经赢咗；“废墟里行出”嘅女歌手，明明做的係蒸馒头，出炉变身卡通猫……“Color厨房”次次试新嘢，力求每次成品都出其不意，令个个艺人friend都玩到唔舍得走，深深记住住“班马”呢个咁好玩嘅地方。

人人都变大细路

除咗食潮嘢，“班马”仲会同大家做啲古古怪的手工！约音乐人玩橡皮泥，结果可乐君捻出嚟嘅成品被对方睇中带走；“视后”嚟到，梗係叫佢show下“绣花功夫”，估唔到佢第一个“绣品”，就令大家惊艳。唔玩手工，呢度仲可以“打功夫”，可乐君随时变身、配合各位主角做“工具人”；强壮大只的可以将佢拎起，仲有双人出马搞朋友，将可乐君“左右夹击”，玩到癫。“班马”成日传出欢声笑语，变成潮人都系咗happy land。来过“班马”打卡嘅艺人friend，都会带走一份大细路嘅美好记忆，仲念念不忘，话下次要再嚟。

玩法多多有套路

“班马”以及Color团队仲有好多拿手喇，会同艺人们date。讲访谈（擢料），有态度又有深度，经常唔介意就探出鲜为人知嘅秘密。讲音乐，“班马”准备咗一千种玩法；直播busking，歌手现场live唱原创；估歌仔、抢住唱，人人都唔认输；吉他MIX二胡嘅乐器组合，呢个搭配真係唔多见。讲玩游戏，特色小剧场、劲爆冷笑话、经典剧还原……简直係大镬蒸餸，样样都熟啊！讲出片，剧情、造型冇得弹，加上专业灯光氛围、架势音响设备，多才多艺嘅团队阵容，“班马”会用独特嘅方式，记录每位艺人friend美丽嘅足迹。睇下“班马”留言板满屏嘅亲笔签名，就知道几架势啦！

Color 独家制作 Show 名牌

越倾越有料

可乐君咁受大家欢迎，原因之一就係日常玩后生仔女嘅潮嘢。其实不时都会有啲资深前辈嚟同可乐君倾偈，佢哋见多识广，会好似老师咁，经常将自己嘅经验share俾我哋，一场采访落嚟，真係受益匪浅。Beyond乐队鼓手叶世荣，成日将晚辈当成朋友，依家出嚟solo都话学緊点样面对更多观众；阮兆祥噃电视上搞怪无底线，但现实中超认真，中意去新的地方感受当地地文化，将所见所闻融入自己演绎；林盛斌俾人印象好鬼马，but投入工作嘅态度令人敬佩……呢啲业界前辈阅历多，人又 nice，肯同我哋玩新嘢，难怪观众缘超好，能够同到佢哋做friend，得到佢哋嘅签名，相信大家都觉得收获良多。上次阿Bob林盛斌噃搵我哋玩，仲静鸡鸡“掂”走咗几张签名卡，唯自己直播嘅时候晒出嚟帮我哋宣传，可見啲“名牌”几掂水啦！

Friend到底打band

关注“可乐生活”嘅朋友仔都知道，我哋同艺人朋友真係friend到可以夹band。同刘浩龙去逛街、撑抬脚、学历史故事，date足一整天；咁啲荣升爹地嘅Ben袁伟豪，仔仔劲得意，早喺公布太太有BB时，就嚟同“工具人”可乐君，牛牛“实操”抱B，唔知储齐晒係米可以大叫三声“石敢当”，召唤佢出嚟嘅？

睇签名get团魂

Team work对每个团队来讲都好重要，Color团队经常同明星拍档做事，都从佢哋身上见到好多团魂炸裂嘅moment。很久不见Dear Jane，我哋Color小分队专登去到香港，同佢哋嚟个“亲密接触”，讲烂gag可以笑到晕，食柠檬又觉得甜，平时chok爆嘅佢哋，仲热情推介港饮港食，一到签名就知道边个係乐队揸fit人。农夫签约内地公司后长居广州，过嚟Color大本营玩，连隔离热闹嘅清洁阿姨都受邀齐齐出镜，两人鬼鬼马氹到大家劲开心，睇返佢哋签名，就get到佢哋嘅分工合拍。正所谓字如其人，Color签名卡有艺人现场独家亲签，大家仲可以从签名睇到佢哋嘅个性，“名牌”嘅含金量直接upgrade。

Play with Color

Well，福利随时掉落！即日起至12月31日前，手持2023年任意一期Color影张靓相，晒新浪微博@可乐生活Color，并留言讲下你最称对边位艺人friend，就有机会获得你中意嘅艺人签名卡啦！